

Nakon provedene procedure otvorenog postupka na način i po postupku predviđenom odredbama Zakona o javnim nabavkama BiH, zaključuje se

UGOVOR O KUPOVINI INFORMATIČKE OPREME

između:

JAVNE USTANOVE "APOTEKE SARAJEVO", Sarajevo, ID: 4200280090003 koju zastupa generalni direktor Nedim Hrelja mr. ph. MBA (u daljem tekstu Kupac)

i

FIXIT d.o.o Sarajevo, ul. Zaima Šarca 34, ID: 4202048930006, koje zastupa Damjan Bandić, direktor (u daljem tekstu Prodavac)

I PREDMET UGOVORA

Član 1.

Predmet ovog ugovora je kupovina informatičke opreme, kako slijedi:

- **Lot 1 - Desktop računar – komada 20**, ukupna cijena bez PDV-a 25.980,00 KM, PDV 4.416,60 KM, ukupna cijena sa PDV –om 30.396,60 KM;
- **Lot 2 - Monitor TIP 1- komada 20**, ukupna cijena bez PDV-a 5.198,00 KM, PDV 883,66 KM, ukupna cijena sa PDV –om 6.081,66 KM;
- **Lot 3- Laptop – 5 komada**, ukupna cijena bez PDV-a 10.499,50 KM, PDV 1.784,92 KM, ukupna cijena sa PDV –om 12.284,42 KM;
- **Lot 4 - Monitor TIP 2- komada 5**, ukupna cijena bez PDV-a 2.499,50 KM, PDV 424,92 KM, ukupna cijena sa PDV –om 2.924,42 KM;
- **Lot 5 - Barcode čitač - komada 10**, ukupna cijena bez PDV-a 3.299,00 KM, PDV 560,83 KM, ukupna cijena sa PDV –om 3.859,83 KM;
- **Lot 6- A4 mono laser multifunkcijski printer sa faksom - komada 10**, ukupna cijena bez PDV-a 2.499,00 KM, PDV 424,83 KM, ukupna cijena sa PDV –om 2.923,83 KM.

Za vrijeme trajanja ovog ugovora gore naznačene cijene ne mogu se mijenjati.

II ROK I NAČIN ISPORUKE

Član 2.

Prodavac se obavezuje isporučivati robu prema specifikaciji iz tenderske dokumentacije, sukcesivno, u skladu sa potrebom i zahtjevima Kupca, u skladu sa ponudom Prodavca sačinjenoj po zahtjevima tenderske dokumentacije broj_ 03-06-2143/19 , koja je sastavni dio ovog ugovora. Prodavac će Kupca blagovremeno obavijestiti o prispjeću isporuke.

Prodavac je obavezan da Kupcu nadoknadi štetu zbog neblagovremene isporuke robe, izuzev u slučaju više sile, poremećaja na tržištu, razloga koji je skrivio Kupac i drugih okolnosti na koje Prodavac nije mogao da utiče, kao i nastalu štetu zbog neisporučene količine robe koja je poručena.

III KVALITET USLUGE

Član 3.

Prodavac garantuje da će Kupcu isporučiti cjelokupnu naručenu robu odgovarajućeg kvaliteta, u skladu sa tenderskom dokumentacijom na osnovu koje je sačinjena ponuda Prodavca, u protivnom, Prodavac je obavezan da Kupcu naknadi pretpjelu štetu.

IV KVALITATIVNI I KVANTITATIVNI PRIJEM

Član 4.

Kupac će vršiti kontrolu kvaliteta kod preuzimanja robe, uz prisustvo predstavnika Prodavca, na način kako je uobičajeno u prometu takvom robom.

Reklamacija na kvalitet robe se mora pokrenuti najkasnije do 7 (sedam) dana od momenta preuzimanja robe od strane Kupca.

Član 5.

Svaku pojedinačnu isporuku usluge prati određeni dokument (otpremnic), koji mora biti propisno ispunjen i ovjeren od strane Prodavca i Kupca.

Dokument iz stava jedan ovog člana čini sastavni dio fakture.

Član 6.

Kad se poslije prijema stvari od strane Kupca pokaže da stvar ima neki nedostak koji se nije mogao otkriti uobičajenim pregledom prilikom preuzimanja stvari (skriveni nedostatak), Kupac je dužan o istom obavijestiti Prodavca odmah, a najkasnije u roku od 8 (osam) dana, računajući od dana kad je nedostatak otkrio.

Član 7.

Ako prilikom prijema robe iz člana 1. ovog ugovora, kupac utvrdi eventualnu razliku odnosno određene nedostatke, prodavac se obavezuje izvršiti zamjenu robe, odnosno isporučiti novu robu bez nedostataka u roku od 7 (sedam) dana.

U svakom slučaju, Prodavac je dužan Kupcu nadoknaditi pretrpljenu štetu.

V NAČIN I ROK PLAĆANJA

Član 8.

Plaćanje se vrši bezgotovinskom uplatom na žiro račun prodavca koji je naveden na fakturi.

Rok plaćanja je 90 (devedeset) dana od dana zaprimanja fakture koja se izdaje nakon svake izvršene isporuke robe, pod uslovom da nije bilo reklamacije od strane Kupca.

VI SAOPŠTENJE I REKLAMACIJE

Član 9.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

VII TRAJANJE UGOVORA

Član 10.

Ovaj ugovor se zaključuje na period od 10.12.2019. do 10.06.2020. godine.

VIII PRELAZNE I ZAVRŠNE ODREDBE

Član 11.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 12.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.

Član 13.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 dana.

Član 14.

Ovaj ugovor je sačinjen u četiri istovjetna primjerka od kojih po dva primjerka zadržava svaka ugovorna strana.

JU „APOTEKE SARAJEVO“
Nedim Hrelja mr. ph. MBA
Generalni direktor

FIXIT d.o.o
Damjan Bandić
Direktor

Broj: 01-03-2468/19

Sarajevo, 10.12.2019. godine

Broj: 1208/19
20.12.2019